

TIOTAL-OBACH	Neach-Fàilteachadh na Colaiste
ROINN	Roinn na h-Aoigheachd
AN URRA RI	Kathryn NicAoidh , Manaidsear Aoigheachd
UALLACH AIRSON	n/a
SGÈILE TUARASTAIL	c. £18k sa bhliadhna
PRÌOMH ÀITE-OBACH	Sabhal Mòr Ostaig

PRÌOMH AMAS NA H-OBACH

- Seirbheis èifeachdach agus proiseafanta a thabhann do luchd-obrach, oileanaich, aoighean agus luchd-gnìomhachais na Colaiste. Feumaidh an neach seo a bhith math air conaltradh is moiteil às a bhith toirt seachad an seirbheis as fhèarr do luchd-ceannaich agus oileanaich an t-Sabhail. A’ cur taic ri àrainneachd Ghàidhlig na Colaiste le bhith a’ cleachdadh is a’ brosnachadh na Gàidhlig ri luchd-obrach , oileanaich agus luchd-tadhail gach latha.

PRÌOMH UALLAICHEAN

- Ag obrachadh prìomh siostam fòn na Colaiste agus a’ cur daoine troimhe gu roinnean/luchd-obrach freagarrach
 - A’ dèiligeadh ri iarrtasan làitheil bho luchd-obrach, bho oileanaich agus bho aoighean dhan Cholaiste
 - A’ cur seòmraichean coinneimh agus caidil air dòigh mar a thèid iarraidh
 - A’ taipèadh fiosrachaidh mar a thèid iarraidh
 - A’ cumail chlàraidhean (mar eisimpleir a’ cunntas an airgid aig deireadh gach latha, ag obair air fàirdealan, fiosrachadh a chumail air àireamhan de luchd-caidil) agus a’ stòradh fiosrachadh agus faidhleachan ann an dòigh èifeachdach
1. Am Bùth/Cafaidh – a’ cumail smachd air stuthan na bùtha, a’ dèanamh òrdaighean, a’ dèiligeadh ri òrdaighean a thig a-steach. A’ cleachdadh na h-uidheamachd (m.e. an t-inneal-cofaidh/cairt creideis) agus a’ dèiligeadh ris an luchd-ceannach.
- Dleastanasan clèireachd eile mar a thèid iarraidh le Manaidsear no Leas-Mhanaidsear na h-Aoigheachd.
 - Obair an luchd-fàilteachaidh eile a ghabhail os làimh nuair a bhios iad far an obair
 - A bhith cinnteach gu bheil airgead agus iuchraichean an còmhnaidh air an glèidheadh gu sàbhailte

Tha co-ionannachd chothroman aig cridhe Shabhal Mòr Ostaig



- A bhith cinnteach gu bheil an t-àite-obrach glan, sgiobalta
- A bhith a' leantainn riaghailtean slàinte is sàbhailteachd
- A' coileanadh agus a' leasachadh deagh –ghnè na Colaiste
- Obair iomchaidh sam bith eile a dhèanamh mar a bhios feum aig a' Cholaiste bho àm gu àm.

Seo tuairisgeul air an obair mar a tha e. Sa chumantas thèid beachdachadh air seo bho àm gu àm gu dèanamh cinnteach gu bheil e iomchaidh agus gus atharrachaidhean sam bith a dhèanamh. Thèid seo a dhèanamh leis an neach-obrach agus am manaidsear aige/aice agus mar sin thathas a' sùileachadh gun gabhar pàirt anns na còmhraidhean seo. Tha Sabhal Mòr Ostaig ag iarraidh gun gabh cùisean aontachadh leis gach neach ach far a bheil seo do-dhèante, tha còraichean aig Sabhal Mòr Ostaig atharrachaidhean ciallach a dhèanamh a rèir tuarastal an neach-obrach às dèidh bruidhinn ris/rithe mun chùis.

An Iuchair 2017



Fiosrachadh Eile Cudromach:

- Bithear ag obair 35 uair san t-seachdain
- Gheibhear 35 saor-làithean sa bhliadhna (a’ ruith bho 1 Faoilleach – 31 Dùbhlachd) a’ gabhail a-staigh 10 latha aig àm na Nollaige agus Saor-làithean Phoblach
- Ann a bhith a’ cuideachadh luchd-obrach leis an cuid leasachaidh phearsanta, comasan obrach agus feumalachdan trèanaidh, gheibhear measadh obrach gach bliadhna le ur Manaidsear.
- Feumar seiseanan trèanaidh riatanach a fhrithealadh agus coinneamhan mar a bhios iomchaidh. Gheibhear fiosrachadh ron àm.
- Tha Sabhal Mòr Ostaig làn taiceil a thaobh leasachadh na Gàidhlig agus gheibhear a h-uile cothrom ur cuid comasan cànan a leasachadh
- The sgeama pheinsein aig a’ Cholaiste
- Mus tèid ur fastadh bith agaibh ri dhol tro sgrùdadh Disclosure agus their iarraidh air teisteanasan

Tha co-ionannachd chothroman aig cridhe Shabhal Mòr Ostaig

Amas na Colaiste

Tha Sabhal Mòr Ostaig airson a bhith na shàr ionad aig cridhe leasachaidhean ann an cànan agus dualchas nan Gàidheal le bhith a' tairgsinn deagh chothroman foghlaim, trèanaidh agus rannsachaidh tro mheadhan na Gàidhlig agus le bhith a' dol an sàs gu h-innleachdach còmhla ri daoine eile, luchd-gnìomhachais agus a' choimhearsnachd air fad gus leasachaidhean sòisealta, dualchasach agus eaconomach a chur air adhart.

Fiosrachadh mun Cholaiste

Tha àrainn oideachaidh air leth aig Sabhal Mòr Ostaig. Tha na cùrsaichean agus a' Cholaiste gu lèir gan ruith tro mheadhan na Gàidhlig - an aon Cholaiste den t-seòrsa seo an Alba. Tha a' Cholaiste ann an Slèite anns an Eilean Sgitheanach, sgìre a tha ainmeil airson bòidhchead na h-àrainneachd.

Chaidh a' Cholaiste a stèidheachadh ann an 1973 agus bhon uair sin tha i air cliù a chosnadh air feadh an t-saoghail mar ionad airson cànan agus cultar na Gàidhlig. 'S e colaiste spèisealta a th' innte, a' tabhann foghlam àrd-ìre, foghlam leantainneach agus cothroman rannsachaidh. Tha Sabhal Mòr Ostaig mothachail air cho cudromach 's a tha bunait làidir airson a' chànain, a' chultair agus nan ealan agus tha e an sàs ann an iomadh pròiseact gus seo a thoirt air adhart.

'S e colaiste ùr-ghnàthach a th' ann an Sabhal Mòr Ostaig agus tha e na chom-pàirtiche acadaimigeach air OGE nam Mìle Bliadhna. Tha goireasan ionnsachaidh air leth ann, leabharlann sònraichte fhèin math agus tha àiteachan-fuirich agus ionad cùraim chloinne air an àrainn.

Aig a' cheart àm, tha barrachd air 100 oileanach clàraichte air cùrsaichean làn-thìde, mu 350 air cùrsaichean air astar agus bidh suas ri 1,000 oileanach a' clàradh air cùrsaichean goirid gach bliadhna. Bidh deagh mheasgachadh de dh'oileanaich a' tighinn don Cholaiste, aig diofar aoisean agus às diofar àiteachan. 'S ann às Alba agus an Rìoghachd Aonaichte a tha a' mhòr-chuid ach tha oileanaich air tighinn thugainn às na Stàitean Aonaichte, dùthchannan Eòrpach agus Àisia cuideachd.

Tha luchd-ceumnachaidh an t-Sabhail air a dhol air adhart gu dreuchdan Gàidhlig ann an iomadach gnìomhachas, a' cur nan sgilean aca gu feum ann an leasachadh a' chànain.

'S e institiùd ionnsachaidh bheothail, adhartach a th' ann an Sabhal Mòr Ostaig, a tha ag amas air coimhearsnachd Ghàidhlig làn mhisneachd is soirbheachas a bhrosnachadh. Tha fàilte chridheil romhaibh ann.

Airson barrachd fiosrachaidh mun Cholaiste theirigibh gu www.smo.uhi.ac.uk no ma tha ceistean sònraichte agaibh cuiribh fòn no post-d gu Cairistiona NicCoinnich, 01471 888 200.

Tha co-ionannachd chothroman aig cridhe Shabhal Mòr Ostaig